



Broj: 13-11-4-513/26
Sarajevo, __.02.2026. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku usluga „Vršenje stručnog nadzora nad izvođenjem radova na realizaciji investicionih projekata“, po provedenom postupku javne nabavke putem otvorenog postupka javne nabavke izabran je slijedeći ponuđač:

MODUL ARHITEKTURA d.o.o. Sarajevo
sa ukupnom cijenom od 6.998,95 KM
(šesthiljadadevetstotinadevedesetosam i 95/100 konvertibilnih maraka).

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-513/26 od 22.01.2026. godine.

Procijenjena vrijednost javne nabavke sa PDV-om je: 35.000,00 KM (slovima: tridesetpethiljada i 00/100 konvertibilnih maraka).

Obavještenje o javnoj nabavci broj: 935-1-2-8-3-19/26 objavljeno je na Portalu javnih nabavki dana 935-1-2-8-3-19/26.

Komisija za javnu nabavku roba, radova i usluga imenovana je Rješenjem Općinske načelnice broj: 01-30-5-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 12.02.2026. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om
1.	RADIS d.o.o. Istočno Sarajevo	8.750,00 KM	10.237,50 KM
2.	PROTEHNIK d.o.o. Istočno Sarajevo	6.650,00 KM	7.780,50 KM
3.	ENCOS d.o.o. Sarajevo	21.000,00 KM	24.570,00 KM
4.	SMAJIĆ-INŽENJERING d.o.o. Goražde	8.487,50 KM	9.930,38 KM
5.	INSTITUT ZA GRAĐEVINARSTVO „IG“ d.o.o. Banja Luka	24.500,00 KM	28.665,00 KM
6.	MODUL ARHITEKTURA d.o.o. Sarajevo	6.998,95 KM	6.998,95 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponude ponuđača ENCOS d.o.o. Sarajevo, SMAJIĆ-INŽENJERING d.o.o. Goražde, INSTITUT ZA GRAĐEVINARSTVO „IG“ d.o.o. Banja Luka i MODUL ARHITEKTURA d.o.o. Sarajevo su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača RADIS d.o.o. Istočno Sarajevo Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. b) kao dokaz ispunjavanja uslova tehničke i profesionalne sposobnosti ponuđača zahtijevane su *ovjerene kopije diplome* (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) i *uvjerenja o položenom stručnom ispitu iz navedenih stručnih akademskih usmjerenja* za najmanje dva diplomirana inženjera arhitekture i najmanje po jednog *diplomiranog inženjera građevine - konstruktivnog smjera*, jednog diplomiranog inženjera građevine - hidro smjer, jednog diplomiranog inženjera građevine – smjer saobraćajnice, jednog diplomiranog inženjera elektrotehnike – smjer elektroenergetski i jednog diplomiranog inženjera mašinstva, svi sa položenim stručnim ispitom iz navedenih stručnih akademskih oblasti, koji će biti imenovani za konkretne projekte.

Ponuđač RADIS d.o.o. Istočno Sarajevo je u sklopu svoje ponude za diplomiranog inženjera građevine – konstruktivnog smjera, Jasminku Topić, dostavio Uvjerenje o položenom stručnom ispitu iz oblasti organizacije građenja i nadzora gradilišta.

Iz navedenog je vidljivo da ponuđač za imenovano lice nije dostavio uvjerenje o položenom stručnom ispitu iz navedenih stručnih akademskih usmjerenja, te se ponuda nije mogla uzeti u dalje razmatranje.

Ponudu ponuđača PROTEHNIK d.o.o. Istočno Sarajevo Sarajevo Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. b) kao dokaz ispunjavanja uslova tehničke i profesionalne sposobnosti ponuđača zahtijevane su *ovjerene kopije diplome* (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) i *uvjerenja o položenom stručnom ispitu iz navedenih stručnih akademskih usmjerenja* za najmanje dva diplomirana inženjera arhitekture i najmanje po jednog diplomiranog inženjera građevine - konstruktivnog smjera, *jednog diplomiranog inženjera građevine - hidro smjer*, jednog diplomiranog inženjera građevine – smjer saobraćajnice, jednog diplomiranog inženjera elektrotehnike – smjer elektroenergetski i jednog diplomiranog inženjera mašinstva, svi sa položenim stručnim ispitom iz navedenih stručnih akademskih oblasti, koji će biti imenovani za konkretne projekte.

Ponuđač PROTEHNIK d.o.o. Istočno Sarajevo je u sklopu svoje ponude za diplomiranog inženjera građevine – hidro smjer, Branku Trninić, dostavio Uvjerenje o položenom stručnom ispitu za diplomiranog inženjera građevinarstva, a iz kojeg nije vidljiva tražena stručna akademska oblast - inženjer građevine – hidro smjer.

Iz iznad navedenog razloga ponuda ponuđača PROTEHNIK d.o.o. Istočno Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om
1.	MODUL ARHITEKTURA d.o.o. Sarajevo	6.998,95 KM	6.998,95 KM
2.	SMAJIĆ-INŽENJERING d.o.o. Goražde	8.487,50 KM	9.930,38 KM
3.	ENCOS d.o.o. Sarajevo	21.000,00 KM	24.570,00 KM
4.	INSTITUT ZA GRAĐEVINARSTVO „IG“ d.o.o. Banja Luka	24.500,00 KM	28.665,00 KM

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču MODUL ARHITEKTURA d.o.o. Sarajevo dodijeli Okvirni sporazum na period od 1 godine, čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 6.998,95 KM (šesthiljadadevetstotinadevedesetosam i 95/100 konvertibilnih maraka).

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



DOSTAVLJENO:

- RADIS d.o.o. Istočno Sarajevo
- PROTEHNIK d.o.o. Istočno Sarajevo
- ENCOS d.o.o. Sarajevo
- SMAJIĆ-INŽENJERING d.o.o. Goražde
- INSTITUT ZA GRAĐEVINARSTVO „IG“ d.o.o. Banja Luka
- MODUL ARHITEKTURA d.o.o. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

